

玉

海

一百

玉海卷第三百四

浚儀王應麟柏厚甫之章

辭學指南

箴

序云云箴辭用韻語末云敢告云云紹聖試格如揚

雄百官九州箴之類箴銘贊頌並逐句空字

箴者諫誨之辭若箴之療疾故名箴盤庚無伏小人之攸箴庭

療因以箴之召公曰師箴師曠百工誦箴諫文心雕龍曰夏商二箴餘

句頗存夏箴見于周書文傳篇商箴見于呂氏春

秋名類篇又慎聽篇周辛甲為大史命百官官箴

王闕虞人掌獵爲箴漢揚雄擬其體爲十二州二十五官箴後之作者咸依倣焉隋杜正藏舉秀才

擬匠人箴擬題肇於此唐進士亦或試箴

顯慶四年試貢

士箴開元十四年考功箴廣德三年轅門箴建中三年學官箴

周虞人箴

芒芒禹迹畫爲九州經啟九道民有寢廟獸有茂草各有攸處德用不擾在帝夷羿冒于原獸忘其國恤而思其麀牡武不可重用不恢于夏家獸人

司原敢告僕夫

告僕夫不敢斥尊

東萊先生曰凡作箴須用官箴王闕之意各以其官

所掌而爲箴辭如司隸校尉箴當說司隸箴人君振
紀綱非謂使司隸振紀綱也如廷尉箴當說人君謹
刑罰非謂廷尉謹刑罰也

箴尾須依虞箴獸臣司原敢告僕夫之類

止是隨題目改如上

林清臺箴則云史臣司天宗正箴則云宗臣司族廷尉云官臣司刑司隸校尉云官臣司直太常云禮臣司典其下句敢告隨韻改之大抵如敢告替御敢告僕臣之類是也

西山先生曰箴銘贊頌雖均韻語然體各不同箴乃

規諷之文貴乎有警戒切劘之意詩庭燎沔水等篇

左氏虞人箴揚子雲百官箴

古文苑

張茂先女史箴白

居易續虞人箴柳公綽太醫箴王元之端拱箴文粹

王海卷二百四
中諸箴可寫作一帙時時反復熟誦便知體式

出箴用官名須先理會置官之意

謂如將作大匠則戒宮室之侈虞人

則戒游田之數

程文中唯上林清臺考工令箴最佳可以爲

法

箴者下規上之辭須有古人風諫之意惟官名可以
命題所謂百官官箴王闕各因其職以諷諫如出周
保章箴則當以敬天爲說其他皆然又有非官名而

出箴者

若宣室上林清臺之類

亦當引從規諷上立說

箴題最多自周禮外歷代百官表志

前漢後漢唐

皆當詳

考凡其名雅馴者皆可出又有散在傳記閒者如周

陶正不在周禮而在左傳舜樂正不在虞書而在荀

子須着意搜尋然後無遺忘

箴銘題有雜出於他書者只兩字易於漏失

東萊先生考工令箴監于太宗罷露臺役一言興邦

萬杵咸息監于中宗肅然齋居器械技巧圭黍莫誣

就用漢事可以爲式

王器之騎郎將箴考官批云就用漢事爲箴甚佳

引所

吸廣輩諸卷所不及

王器之曰劉才邵宣室箴序甚有意四字語差不及

胡廣百官箴敘曰箴諫之興所由尙矣聖君求之於

下忠臣納之於上故虞書曰予違汝弼汝無面從退

有後言墨子著書稱夏箴之辭古文心雕龍曰揚雄稽古始範虞箴卿尹州牧二十五篇及崔胡補綴總稱百官所謂追清風於前古攀辛甲於後代

題

太史

紹聖丙子

漢宣室

宣和庚子
紹興乙卯重出

漢上林清臺

紹興戊辰

漢考工令

庚辰

周師氏

隆興癸未

武學

乾道己丑

周司會

淳熙丁未

漢詩博士

嘉定戊辰

漢內史

辛未

漢騎郎將

庚辰

漢護羌校尉

癸未

周陶正

慶元己未

漢講郎

紹定己丑

漢湯官丞

淳祐甲辰

漢式道侯

庚戌

周馥相氏

寶祐癸丑

堯謁者

開慶己未

漢公車令

咸淳乙丑

銘

序

云云

銘詩用韻語

紹聖試格如張孟陽劔閣銘柳宗元塗山銘之類

類政和元年試格歷代史故事借擬為題如周成王封泰山頌張衡渾天儀銘之類

銘始於黃帝漢藝文志道家有黃帝銘六篇

應劭曰盤

孟諸書黃帝史孔甲所作銘也

禹銘筍虞湯銘于盤

銘者名也因其器名書以

為戒也

武王問丹書之言為銘十六戚武仲曰夫銘

天子令德諸侯言時計功大夫稱伐文心雕龍曰

夏鑄九鼎周勒栝矢令德之事也呂望銘昆吾仲

山鏤庸器計功之義也魏顓景鐘孔悝衛鼎稱伐
之類也蔡邕銘論曰德非此族不在銘典詩傳曰
作器能銘可以爲大夫考工記嘉量有銘文選序
曰銘則序事清潤陸倕石闕漏刻二銘皆有序張
載劔閣銘末云勒銘山阿敢告梁益則寓儆戒之
旨隋杜正元舉秀才擬燕然山劔閣銘杜正藏擬
弓銘唐崔渙還調吏部侍郎嚴挺之施特楊試彝
尊銘謂曰子清廟器故以題相命建中三年進士
別頭試敬器銘興元元年朱干銘則以銘試士尚
矣

東萊先生曰詹仲和輔渠銘序極佳但須便說內史兒寬言爲妙

西山先生曰古之爲銘有稱述先人之德善勞烈者衛孔悝鼎銘是也有著儆戒之辭於器物者如湯盤銘武王几杖楹席之銘是也今詞科所作雖未能全復古體亦須略倣其意可也銘題散在經傳極多自

器物外又有用山川溝渠宮室門闕爲銘者

若劍閣泗水亭

銘是也

如唐駐蹕山銘則所以揚人主之威武如劍閣

銘則所以戒殊俗之僭叛或出此等題又當象題立說苟無主意止於鋪敘何緣文字精神

銘文體貴乎簡約清新大抵以程文爲式熟讀前代
韻語以爲命意造語之法

趙大本唐黃道游儀銘序粵十三年龍尾伏辰之日

哉生明以游儀成奏

此年月只是
銅儀非游儀

詔置景運

此門唯
置銅儀

集賢注

記載游儀之下續云十三年十月渾儀成

舊史十三年十月癸丑銅儀成志十一年游儀成

會要以爲十三年十月三日

劉三傑試漢瓚槃銘序云先儒釋經不明先鄭後鄭

云曰大曰容尺升備載不記八寸一尺

李獻之黃道游儀銘序越旣四載王器之抹四載字

謂十三年成銅儀又抹景運字此門唯置銅儀

陳壽南中選孝宗曰鐵簾銘題目甚新峴爲銘亦好
文心雕龍曰箴貴確切銘貴弘潤事必覈以辯文必
簡而深

朱文公曰武王諸銘有切題者如鑑銘是也亦有不
可曉者古人只是述戒懼之意隨所在寫以自儆今
人爲銘要就此物上說得親切如湯盤銘之類

題

欽器

紹聖乙亥

分賜鏤文紅管御筆

元符己卯

玉磬

崇寧壬午

夏禹九鼎

政和辛卯

漢宣德殿馬式

壬辰

漢楚龍淵

宣和癸卯

漢輔渠 紹興戊午

克敵弓 壬戌

黃帝景鍾 戊辰

漢瑄玉 辛未

漢芝車 甲戌

漢廟鼎 丁丑

漢玉卮 乾道丙戌

周太常 壬辰

唐黃道游儀 淳熙乙未

禹待賢簾 辛丑

漢漏刻四十八箭 甲辰

新製鐵簾 丁未

魯鼓 紹熙庚戌

漢綠車 癸丑

漢律準 慶元丙辰

漢瓚槃 嘉泰壬戌

漢農輿 寶慶丙戌

堯諫鼓 紹定壬辰

周元戎 嘉熙戊戌

熙寧神臂弓 辭學

周九和弓

治祐丁未

唐武庫大弓

寶祐癸丑

堯衢室

丙辰

漢名馬式

景定癸亥
辭學重出

漢安車

咸淳戊辰

少皞氏度量

甲戌

記

末云謹記

今題云臣謹記

記者紀事之文也西山先生曰禹貢武成金縢顧
命記之屬似之文選止有奏記而無此體古文苑
載後漢樊毅修西嶽廟記其末有銘亦碑文之類
至唐始盛獨孤及風后八陣圖記今之擬題倣此
若今題則以承詔撰述者爲式

東萊先生日記序有混作一段說者有分兩節說者

如未央宮先略說高帝蕭何定天下作宮一段乃說

爲之記曰

此下立意或說奉若天道建邦設都或說都邑四方之極皆得

作記有敘其事於首者如宮殿經始於某年某月落

成於某年某月之類先說在頭一段然後入爲之記

曰

云云周子充漢未央宮記首云漢高皇帝

云云八

年丞相蕭何始治未央宮

云云

是也有敘其事於尾

者如詹叔義漢城長安記末云城肇功於元年正月

已事於五年九月

云云

爲門者十有二南北則象斗

形

云云

洪景伯唐勤政務本樓記末云樓成於開元

二年之九月

云云

是也

凡作文字先要知格律次要立意次要語贍所謂格律但熟考總類可也所謂立意如學記泛說尙文是無意也須就題立意方爲親切柳子厚柳州學記說仲尼之道與王化遠邇此兩句便見嶺外立學不可移於中州學校也所謂語贍如韓退之南海神廟文乾端坤倪軒豁呈露一段老蘇兄渙字序說風水一段是也雖欲語贍而不可太長

謂專事言語

不可近俗

如青

編中對聖賢語黃卷上

不可多用難字

熟看韓柳歐蘇先見文字

體式然後徧攷古人用意下句處

又須作一冊編體製轉換處不拘古文與今時程文
大略編之如喜雨亭記亭以兩名志喜也柳文宣王
廟碑仲尼之道與王化遠邇似此之類此作記起頭
體製也歐公真州發運園記中間一節此記中間鋪
敘體製也柳萬石亭記附零陵故事之類此記末後
體製也

西山先生日記以善敘事爲主前輩謂禹貢顧命乃
記之祖以其敘事有法故也後人作記未免雜以論
體詞科所試唯南渡前元豐尙書省飛白堂等記及
紹興新修太學記猶是記體皆可爲法後來所不逮